

太平寰宇記

第四十册



太平寰宇記卷之一百六十六

嶺南道十

融州

邕州

貴州

橫州

田州

舊廢

山州

舊廢

融州

融州

融水郡今理融水縣

隋始安郡之義熙縣唐武德四年平

蕭銑置融州復開皇舊名領義熙臨牂黃水安修

四縣六年改義熙為融水貞觀十三年省安修入

臨牂天寶元年改為融水郡乾元元年復為融州

元領縣二

今三

融水 武陽 羅城新割到

場一

沛溪場

州境

東西三百六十二里 南北九百三十七里

四至八到

東北至東京四千七十二里

東北至西京四千四百七十里

北至長安取桂州路五千二百七十里

東至柳州洛容縣界三百一十里

西至宜州東零縣界二百里

南至柳州二百三十里

北至敘州一千六百里以朗溪縣分界水路去郡
三百八十五里

東南至柳州龍城縣界六百五十里

東北至桂州古縣場界一百里

西北至古州水路八百九十里

西南至宜州三百五十里

戶

唐開元戶一千三百三十三

皇朝戶主一千八百零七百一十八

風俗 同柳州

土產

金 貢 桂心 苧密布

融水縣 舊二鄉今無 本漢潭中縣地宋永嘉七年置

齊興縣唐武德六年改為融水縣 融水在州北

六百里連接敘州朗溪縣界 潯水溪源出敘州

西界 潭江出黃水縣西北當麗山

武陽縣 西南八十里三鄉 舊黃水臨牂二縣隋開皇

十九年析融水縣置後併合為武陽縣 古黎山

在州西北一百一十里連宜州界古溪水出其下

武陽水在縣東南流一百里會潯溪經柳州

羅城縣

西南九十里無鄉管七里

皇朝開寶五年割到圖經上不

言州

沛溪場

西北一百八十里

本融水縣沛溪洞以其偏遠輸賦

甚艱故置場以便宜民

管羈縻州一

樂善州在州西北一百五十里皇朝雍熙二年歸化

邕州

邕州

朗寧郡今理宣化縣

古南越地秦為桂林郡地漢改桂林

爲鬱林郡又爲鬱林之嶺方縣地晉置晉興郡隋
開皇初廢郡爲宣化縣屬簡州大業三年州廢以
縣屬鬱林郡唐武德四年于此置南晉州領宣化
一縣貞觀六年改爲邕州近邕溪因名乾封二年
置都督府天寶元年改爲朗寧郡乾元元年復爲
邕州長慶二年以安南經畧副使崔口爲刺史充
本州經畧等使自此邕州獨置經畧使其州邊在
鬱江百姓先居一岸每年秋夏江水泛溢郭邑沈
溺景雲年中司馬呂仁高于南岸引開小水若有
泛濫分流而過不沒人家今百姓兩岸分居晉天

福七年改爲誠州以避廟諱漢初復舊皇朝平廣南後開寶五年廢朗寧封陵思籠三縣入宣化武緣如和三縣至太平興國二年邕州上年管內江左谿洞七源州狀稱廣源武勒南源西農萬涯覆和溫弄等州古拂八耽二洞計十處首領乞依七源州例歸屬當州輸納租稅朝廷因授首領官今爲建武軍節度

元領縣八

今五

宣化 樂昌 武緣 如和 上林

三縣廢

朗寧

入宣化

思籠

入如和

封陵

入武緣

州境

東西八百八十里

南北三百七十里

四至八到

北至東京五千里

北至西京五千三百二十七里

北至長安五千三百二十七里

東水路至舊巒州三百四十二里

西水路至舊田州六百四十二里

南至舊瀼州二百八十里

北至舊澄州二百七十六里

東南陸路至欽州三百二十五里

西南至田州六百四十二里

西北陸路至思州四百九十二里

東北至賓州二百五十七里

戶

唐開元戶二千八百九十

皇朝戶主客五千九百五十

風俗

今鄉村皆戴白頭巾邕州圖經云俗恹齋澆薄內

險外惹椎髻跣足尚雞卜及卵卜提包音狸獠有

四色語各別譯而方通也又在州晉城縣蠻渠歲

時於石溪口通商有馬會說文云馬會今之獠布

以竹灰為鹽不事五味

土產

苧麻 蚺蛇膽 越鳥 飛生鳥 荔枝 桄榔

橄欖子 木威 鼓公 邕州有鼓公犬如犬而色白黑 鵲姑

有青鵲如雞即鵲姑 飛蟲 博物志云晉興郡有飛蟲大如

候人氣絕便入食之雖撲殺不止如風雨之至肉

盡便去貧者或殯殮不時皆受此弊 懶婦獸 南越志云

不入也桂林寧浦二郡亦有之

晉城縣有懶婦獸古有織女臥機上其姑怒之遂忿赴水姑遂以仔投其背化為此獸今背上有文如杼形大者可得脂三斛燃之照紡績即暗照歌舞即明習懶之性化而不革

宣化縣五鄉今州所理漢嶺方縣地屬鬱林郡秦為桂

林郡地 驩水在縣北本牂柯河俗呼鬱林江即

駱越水也亦名溫水古駱越地

樂昌縣東北六十里二鄉本晉之晉興郡隋改為縣皇朝開

寶五年改為樂昌縣南越志云晉興縣泉源與寧

建都興二郡分境陶侃既開此郡貢賦由是日盛

有陶侃碑

武緣縣東北六十里二鄉隋廢唐武德五年復置

如和縣 西南九十里 開谿洞漸置

上林縣 北二百七十里 廢朗寧縣在州西北八十里

廢思籠縣在州西南三百里 廢封陵縣在州東

一百里 都茗山在縣西六十里其山出茶土人

食之因呼為都茗山 思玉山在府東六十里其

山有石似玉名為思玉山 一橫山在府西四百

里周迴五百里其山橫截江河故名 都籠山在

府西北九十里周迴二百四十里連大山石壁內

平外嶮號為都籠石 左水源從籠州中出六百

里流入鬱江 武離水水在府西源出上思州五

百八十里西流入左江 右水源出西北田州流
入鬱江 羅陸水在府西二百里水源出交身野
老北流入左江 涓籠水在府西一百五十里水
源出澄州止戈縣南入左江 鬱江在府西源從
左右江入鬱水流百里入府城三百四十二里流
入巒橫貴龔梧封康端廣等一十八州入于南海
如和水在府西南五十里源出如和縣並架爲
陂 邕水在府西六十里北流入鬱水源出欽州
安水縣 小武源水在府東一百九十六里 如
離水在府東四十五里南流入可邏水並架爲陂

都轄水在府東北六十里水南流入可邏水並

架為陂元有大石高二丈遙望魏峩連延數里

可邏水在府東八十七里源出封陵大山南流入

鬱水 大武緣水在府東一百八十三里源出濱

州界流入鬱江以上邕州所管山水

管羈縻州

灑州在邕府南陸路二百八十二里管縣四鄉九

左州在西水路三百里管縣五鄉十

思誠州在西陸路四百五十里管縣三鄉十

田州在西北水路五百五十里管縣三鄉五

歸樂州在西北水路七百二十三里管縣七鄉九

龍州在西北水路八百三十二里管縣七鄉二

右六州舊羈縻州先屬桂府景雲元年八月割

入邕州

譚州在西水路三百五里管縣四

石西州在西水路一千二百里管縣七

七源州在西水路二千六十五里管縣五

思恩州在西陸路四百九十里管縣四

右四州陷漏不屬都督府檢校戶口既多景龍

二年十月勅邕州置都督府管上件州卓牌

太平寰宇記 卷之一百六十六 州
鷓州在西北陸路一千二里管縣七

右件州屬桂管內近邕州西北遠屬桂州不便
司馬呂仁高奏景雲二年勅屬邕州

左州 思誠州 譚州 渡州

籠州 七源州 思明州 石西州

上思州 思琅州 同思州 波州

員州

以上左江道

思恩州 鷓州 歸樂州 思剛州

武峩州 倫州 萬德州 蕃州

昆明州 楚鳳州 侯唐州 歸恩州

田州 萬承州 邛饒州 歸誠州

武龍州

以上右江道

右件並是羈縻卓脾州承前先無朝貢州縣城
隍不置立司馬呂仁高唐先天二年奏奉勅差
副使韋道楨滕崇黃居左等巡諭勸築城隍其
州百姓悉是雕題鑿齒畫面文身并有赤視生
獠提匍相雜承其勸諭應時修築自後毀壞不
復重修

貴州

貴州

懷澤郡今理鬱林縣

虞舜暨周並為荒裔秦并天下畧定

揚越立桂林郡以謫人徙之輿地志云故西甌駱

越之地秦雖立郡仍有甌駱之名漢武元鼎六年

改秦桂林郡為鬱林郡輿地志梁武以鬱林郡為

桂州後割桂州之鬱林寧浦二郡立定州後改為

南定州隋開皇九年平陳十年罷南定州為尹州

唐武德四年平蕭銑置南尹州總管府管南尹南

晉南簡南方白藤容越繡九州南尹州領鬱林馬

嶺安城鬱平石南桂平嶺山興德潮水懷澤十一

縣五年以桂平屬燕州嶺山屬橫州貞觀五年以
安城屬賓州七年罷都督九年改南尹爲貴州天
寶元年改爲懷澤郡乾元元年復爲貴州

元領縣四 今一

鬱林

三縣廢

懷澤 潮水 義山

州境

東西一百五十里 南北一百二十里

四至八到

北至東京五千里

西北至西京五千四百里

西北至長安五千八百九十里

東至潯州一百五十里舟行下水三日程

西至橫州一百五十里船行上水四日程

南至鬱林州一百六十里無水路

北至象州二百五十里水路轉潯州上水八日程

東南至容州普寧縣一百五十里無水路

西南至康州石康縣二百五十里無水路

東北至象州武仙縣一百四十里水路轉潯州卻

上水計六日程

西北至嚴州來賓縣二百六十里水路轉潯州上水一十二日程

戶

唐開元戶三千二十六

皇朝戶主客共五百一十四

風俗

風俗多何滕黃陸等姓以水田爲業不事蠶桑生以唱歌爲樂死以木鼓助喪又郡連山數百里有俚人皆爲烏潯諸夷率同一姓男女同川而浴生

首子卽食之云宜弟居止接近葬同一墳謂之合
骨非有戚屬大墓至百餘棺凡合骨者則去婚異
穴則聘女旣嫁便缺去前一齒

土產

葵山多葵葉堪爲笠 金銀鉛作貢 古貝布古
貢

鬱林縣

元四鄉
今三鄉

漢廣鬱地屬鬱林郡古西甌駱越所

居後漢谷永爲鬱林太守降烏滸人十萬開置七
縣此鬱林縣也在鬱江之西 廢懷澤縣在州南
一百五十里宋廢縣唐武德四年又置 廢潮水

縣在州西五十里武德四年分鬱林縣置廢義
 山縣在州北八十里唐末置以上三縣皇朝開寶
 五年廢入鬱林縣馬嶺山南中志云嶠多虺其
 毒殺人冷石可以解之屑著瘡內卽活烏澣
 夷異物志云烏澣南蠻之別名也巢居鼻飲射翠
 取毛割蚌求珠爲業無親戚重寶貨賣子以接衣
 食若有賓客易子而烹之泥牛郡有洞池周十
 數丈下有石牛時出泥間旱歲殺牛祈雨以血和
 泥置石牛背上祈畢便雨泥盡則晴以爲常藉
 細布一號鬱林布比蜀黃潤古稱云箛中黃潤一

端數金淮南子云弱緡細布也漢書云白越卽此布也 銅符俚人滕氏有竹使銅虎符傳云漢朝

所假至今存 顯朝岡孫權統事陸績爲奏曹掾

以直道見憚出爲鬱林太守加偏將軍績意在儒

雅雖有軍事而著述不輟每造此岡制渾天圖

司命井半甘半淡潛通江波冬夏常盈闔境之人

用以日給按其井水竭卽土人疫稼穡不登以爲

候 提石山 龍石山 石室山 溫水 香溪

水 羅舍溪水 馬度山一名馬嶺以上皆郡之

山水

橫州

橫州

寧浦郡今理寧浦縣

古越地秦象郡地漢爲合浦郡之高

涼縣地高涼縣今在高州界吳錄云吳以合浦北

部爲寧浦郡廣州記云吳分鬱林郡置隋開皇十

年廢寧浦簡陽二郡仍于此置簡州十八年又改

簡州爲緣州煬帝初廢以地屬鬱林郡之寧浦縣

唐武德四年置簡州領寧浦樂山蒙澤瀉風嶺山

五縣六年改爲南簡州貞觀八年改爲橫州以橫

槎爲名天寶元年改爲寧浦郡乾元元年復爲橫

州皇朝開寶五年併瀉風樂山嶺山三縣入寧浦

縣又廢巒州武羅靈竹二縣入永定一縣隸當州

橫州領縣四 今一

寧浦

三縣廢

從化 樂山 嶺山 以上三縣併入寧浦

廢巒州元領縣三 今一

永定

二縣廢

武羅 靈竹 以上二縣併入永定

州境

東西二百四十五里 南北二百五十里

四至八到

北至東京四千二百一十里

北至西京四千四百五里

北至長安五千一百三十五里

西至邕州界二百二十里

東至貴州界八十里至廣州一千一百一十五里

南至欽州界一百二十里

北至賓州抵大山無路約二百六十里

東南至大江五十步

西北至賓州一百五十三里

西南至欽州一百七十五里

東北至貴州一百三十五里

東戶

橫州唐開元戶一千九百二十一

廢巒州唐開元戶七百七十

皇朝管二縣戶一百五十九

風俗

三梁故縣烏澣所巢

土產

金

寧浦縣

去州一百六十四步舊五鄉今三鄉

漢廣鬱縣地隋煬帝置寧

浦縣屬鬱林郡唐武德復置橫州縣來屬

廢從

化縣在州東北九十里漢高涼縣地唐初置淳風

縣永貞元年十月以犯憲宗廟諱改為從化縣

廢樂山縣在州東南一百七十六里水路八十里

漢高涼縣地隋置樂山縣 廢嶺山縣在州西一

百里此縣見貞元錄以上三縣皇朝開寶五年併

入寧浦縣按南越志云寧浦地名金城 寧洲名

宋降去蜀二千里號曰中蜀 烏巒山在州東八

十里烏巒所居 簡陽嶠在郡界 蘇摩嶠董奉

死後人見于此 鳴石山山海經云長石之山洪

水出焉山多鳴石即此也

永定縣 西七十里舊二鄉今三鄉 元屬巒州與州同置 廢巒州

今永定縣理是也本永定郡秦桂林郡地唐武德

四年置涪州天寶元年改為永定郡乾元元年復

為涪州永貞元年避廟諱改為巒州以郡內最多

山巒為稱 廢武羅縣在舊州西北七十里 廢

靈竹縣在舊州東九十二里縣與州同置皇朝開

寶五年與州同廢併人永定縣卻屬橫州

田州唐貞元時已廢

田州橫山郡今理都救縣土地與邕州同唐開元中置天寶元

年改爲橫山郡乾元元年復爲田州

領縣五

都救 惠往一鄉 武籠一鄉 橫山一鄉 如賴

以上五縣與州同置

戶

四千一百六十八

山州唐貞元時已廢

山州龍池郡今理龍池縣土地與嚴州同唐開元中置天寶元

太平寰宇記 卷之一百六十六
年改爲龍池郡乾元元年復爲山州

領縣二

龍池 益山

以上二縣與州同置

戶

一千三百二十

以上二州屬邕州都督

校勘

橫州

寧浦縣

寧洲

本文寧洲名寀降疑爲一名寀降闕以俟
考

太平寰宇記卷之一百六十六終

方正學堂
卷之六
六
三

太平寰宇記卷之一百六十七

嶺南道十一

容州

化州

白州

欽州

灋州

古州

容州

容州

普寧郡今
理北流縣

古越地秦屬象郡二漢屬合浦郡宋

秦始七年分合浦縣于此立南流郡有陳紹伯僭

稱王尋平復為郡歷齊梁陳不改隋廢郡又為合

浦永平二郡地唐武德四年平蕭銑于合州東北

置銅州領北流豪石巖昌渭龍南流陵城普寧新

安八縣貞觀八年改為容州以州西容川為名十一年省新安開元中升為都督府天寶元年改為普寧郡乾元元年復為容州都督府仍舊置防禦經畧招討等使以刺史領之兼充經畧軍使皇朝開寶五年併欣道涓龍二縣入普寧陵城入北流縣仍廢繡禹順三州地入容州仍改為寧遠軍節度

元領縣六 今三

北流 普寧 陸川

三縣廢

欣道入普寧

渭龍上全

陵城入北流

廢繡州領縣三

常林

阿林

羅繡

以上廢入普寧等縣

廢禺州領縣四

峩石

溫水

羅辯

扶萊

以上廢入普寧等縣

廢順州領縣二

龍豪

南河

以上廢入普寧等縣

州境

東西

缺

南北

缺

四至八到

太平寰宇記卷之一百六十七
東北至東京五千六十里

東北至西京五千四百八十里

北取藤州路至長安五千九百一十里

東至藤州二百五十九里

南至竇州二百里

西至禺州一百八十里

北至龔州二百里

東北至藤州陸路二百一十里水路三百二十里

西南至牢州一百二十里

西北至黨州一百五十里

東北至南儀州九十里

戶

容州唐開元戶二千

廢繡州唐開元戶六百六十一

廢禺州唐開元戶五百二十

廢順州唐開元戶五百九

皇朝戶主都管二千九百二十二丁

此州供丁不供戶

風俗

十道志云夷多夏少鼻飲跣足好吹葫蘆笙擊銅鼓習射弓弩無蠶桑緝蕉葛以為布不習文學呼

市為墟五日一集人性剛悍重死輕生郡國志云
此地多瘴氣春為青草瘴秋為黃茆瘴瘴江水即
馬援云仰視飛鳶跼跼墮水中即此地也

土產

硃砂 水銀 竹子布 蕉布皮 竹茶
茶經云容州黃

家洞有竹茶葉如嫩 管石輿地志云南人謂管
竹土人作飲甚甘美

石為滑石也
土人以管石燒為器用以烹魚鮭亦
號為五侯焦石灰爛則可兩三熟

北流縣
舊六鄉今二鄉 州所理漢合浦縣地隋置北流縣在

濂州界 鬼門關在北流縣南三十里有兩石相

對其間闊三十步俗號為鬼門關漢伏波將軍馬

援討林邑蠻路由于此立碑石龜尙在晉時趨交趾皆由此關其南尤多瘴癘去者罕得生還諺曰鬼門關十人去九不還唐宰相李德裕貶崖州日經此關因賦詩云一去一萬里千去千不還崖州在何處生度鬼門關

普寧縣

舊五鄉今三鄉

隋置

陸川縣

西南九十里二鄉

按通典作樂竇縣

廢涓龍縣在

州東七十里武德四年析普寧縣置

廢欣道縣

在州東六十里唐置以上二縣皇朝併入普寧

廢陵城縣在州西三十八里武德四年析北流置

皇朝併入北流 容山其山迴闊無所不容故曰

容山 牛山其山有石如牛 崑崙水水中有石

似崑崙 銅石山上有銅湖出硃砂水銀 新婦

石有石似婦人狀 金溪水中常出金 五侯石

羅漢溪皆在郡邑 廢繡州本常林郡土地屬

與梧州同漢阿林縣之地隋開皇十年以阿林縣

屬尹州大業二年改尹州為鬱林唐武德四年析

貴州之鬱平縣置林州領常林阿林皇化歸誠羅

繡盧越等縣六年改為繡州貞觀六年省歸誠盧

越二縣七年以皇化屬潯州天寶元年改為常林

郡乾元元年復爲繡州皇朝開寶六年州與縣俱廢入容州其州元有俚獠三種言語不同偶月爲婚不知禮節 廢常林縣本漢阿林縣地唐武德

四年置常林郡縣屬林州貞觀六年省歸誠入常林縣仍移理廢歸誠縣故城 盧越水亦名靈溪

水在邑界 廢阿林縣在廢州東北五十里本漢舊縣元屬鬱林郡 白石山色潔白四面懸絕上

有飛泉瀑布下有勾芑木可以爲布俚人斫之新條更生取皮績以爲布 廢羅繡縣在廢州東六

十四里唐武德四年析阿林縣置 石抱山山多

竹木蔥翠如抱山有肉翅虎下山食人食訖卽飛
還絕巖 鶴洞山山上多野鶴 廢禺州本溫水
郡理峩石縣故越地婺女之分野秦屬象郡地隋
合浦郡之定川縣唐武德四年置南宕州領南昌
定川陸川思城溫水岩川六縣治南昌縣貞觀六
年移治定川八年改爲潘州仍廢思城縣總章元
年改爲東峩州移理峩石縣二年改爲禺州以番
禺地爲名其州有三梁烏滸之民天寶元年改爲
溫水郡乾元元年復爲禺州皇朝開寶元年州與
縣俱廢入容州 廢峩石縣本秦象郡地晉岩昌

郡之邊邑爲禹州所治也 廢溫水縣唐武德四

年析南昌置 廢羅辯縣在舊州西南一百里本

隋高涼郡唐武德四年置名陸川貞元中改爲羅

辯縣 廢扶萊縣在舊州東南八十里唐武德四

年置 石印郡國志云禹州石印似印形石文如

篆 金山昔人藏金之處 帽山山形似帽 石

湖 不邏饒山山多韶石果味如荔枝俚人謂之

不邏饒 鳴石山郡國志云董奉死人見于鳴石

之山山海經云長石之山洪水出焉山多鳴石卽

此也 三梁故縣烏澣所巢俗云三梁烏澣卽此

地也毒霧恒昏上饒瘴氣 峩石山以石嵯峩故也 象石石似象故也以上並禹州之山水也

廢順州本順義郡在白州之東北皇朝開寶五年廢州與縣仍入容州 廢龍豪縣在廢州之郭下 廢南河縣在廢州四十里

化州

化州

陵水郡今
理石龍縣

古越地秦屬象郡漢合浦郡之高涼

縣地隋高涼郡之石龍縣唐武德五年置羅州六年移羅州于石城于舊所置南石州領石龍陵羅龍化羅辯慈廉羅肥六縣貞觀九年改南石州為

辯州省慈廉羅肥二縣天寶元年改爲陵水郡乾
元元年復爲辯州州在陵羅二水之間皇朝太平
興國五年改爲化州廢陵羅龍化羅辯三縣但領
石龍一縣并割到廢羅州之石城廉江幹水零綠
四縣爲吳川一縣入當州與石龍其二縣煎鹽納
本州其廢縣三廉江幹水零綠人戶煎鹽輸廉州
化州元領縣四 今一

石龍

三縣廢

陵羅

龍化

羅辯

以上併入石龍

廢羅州元領縣五 今一

吳川

四縣廢

石城 廉江 幹水 零緣 併入吳川

州境

東西三百一里 南北三百七十九里

四至八到

北至東京五千五百九里

北至西京五千九百三十里

西北至長安取恩州路六千四百九十里

西至白州三百二十里

南至談州水灣雷州界一百九十五里

東至廣州一千一百四十四里

北至高州茂名縣界一百八十里

東南至碭州鎮大海二百二十里

西南至廢羅州一百三十里

西北至佛子嶺與容州陸川縣分界一百六十里

戶

化州唐開元戶一百四十二

廢羅州唐開元戶九十五

皇朝都管戶六百四十四

風俗

夷俗悉是椎髻左衽漢書云荆人鬼語

土產

煎鹽 採珠 廢羅州出孔雀 鸚鵡 廉水吳

川中多益智子

石龍縣

二鄉今四鄉

州所理漢高涼縣地屬合浦郡唐武

德五年屬羅州六年改爲辯州 石龍岡在州西

南三里有石高六尺周迴六丈左邊有文似龍

形其江卽鼎之見也 廢陵羅縣在州北一百二

十里漢高涼縣地唐武德五年置羅州六年改爲南石州卽此縣 羅水在縣西北源從禺州來南至會陵 陵水從禺州扶萊縣界流入會羅水二水相合爲羅陵水 廢羅辯縣漢高涼縣地唐武德五年分置 廢龍化縣漢高涼縣地唐武德五年分置以上三縣皇朝開寶五年廢入石龍縣

韶山 龍化水在羅之邑界

吳川縣

南一百十里今三鄉

本漢高涼縣地隋置縣屬羅州皇

朝割入化州 吳川在縣西水中有三川石又有

孱州在海中 澗雷水在縣東一百七十步無水

源隨潮上下 廢羅州在縣西北一百一十里本
招義郡理石城縣秦屬象郡二漢屬合浦郡宋元
嘉三年鎮南將軍檀道濟巡撫于陵羅江口築造
此城因置羅州以江爲名屬高涼郡齊至陳因之
隋平陳郡廢而羅州如故煬帝初州廢其地入高
涼郡唐武德五年于石龍縣地復置羅州領石龍
吳川陵羅龍化羅辯南河石城招義零緣慈廉羅
肥等十一縣六年移羅州于石城縣于舊所置南
石州割石龍陵羅龍化羅辯慈廉羅肥入南石州
天寶元年改招義郡乾元元年復爲羅州皇朝太

平興國五年州廢 廢石城縣本合浦郡地宋將

檀道濟于陵羅江口築石城因置羅州屬高涼郡

梁陳復置羅州隋廢州入高涼郡唐復置羅州于

縣 廢廉江縣本漢高涼縣地唐武德五年析石

龍縣置 廢零綠縣在廢羅州西南一百二十里

本漢高涼縣地唐武德五年析置 零烈水在廢

縣南三十里源從廉江流入大海 廢幹水縣在

廢羅州西七十三里本高涼縣地按南越志云招

義縣昔流人營也義熙元年立爲縣後廢唐再置

本名招義近改爲幹水皇朝太平興國五年廢入

吳川縣 幹水在廢縣西二百步從廉州大廉縣
界來合廉江 招義山在廢縣西北二里圖經云
昔有譚氏招義于此山聚會以討儋耳因此為名

白州

白州南昌郡今古越地秦畧取陸梁地置象郡今州

理博白縣 卽其地也漢為合浦縣地唐武德四年平蕭銑于
此置南州領博白朗平周羅龍豪瀄良建寧六縣
六年改為白州貞觀十二年省朗平瀄良二縣天
寶元年改為南昌郡乾元元年復為白州

元領縣四

今一

博白

三縣廢入博白

建寧

周羅

南昌

舊白潘州割入

州境

東西二百七十里

南北一百五十里

四至八到

東北至東京五千四百里

東至西京五千九百一十五里

北至長安六千一百七十五里

東至化州三百里

太平軍守記 卷之三 百六十一
東至羅州二百二十里

西至太平軍石康縣界一百二十里

北至鬱林州南流縣三十里

東北至順州七十五里

西南至廉州二百三十里

東南至化州廉江縣界一百三十里

西北至鬱林州南流界三十里

戶

唐開元戶二千五百

皇朝戶主客共一千四百九十一

風俗

俗重卜吉凶取決于雞髀漢書郊祀志云越巫雞
卜也建寧縣有三種夷獠豺臺臺人稍類夏人材
人之婦人偏袒皆露獠人縵縞半股並椎髻與諸
夷異焉

土產

出真珠

博白縣舊一鄉今四鄉州所理唐武德四年析合浦縣地置

博白縣以博白江為名 博白山在邑界 廢建

寧縣在縣西唐武德四年析合浦縣置貞觀十二

卷之二十七

年省涇良縣入 廢周羅縣在縣東九十里武德
四年析金寧縣置 周羅山周羅水在縣界 廢
南昌縣在縣北九里舊縣在潘州後割來屬 盤
龍洞 房山在舊縣界以上三縣皇朝開寶六年
併入博白縣 綠珠江嶺表錄云白州界又有一
派水出自雙角山合容州江呼爲綠珠江亦猶歸
州有昭君村蓋取美人生處而名矣 綠珠井嶺
表錄云綠珠井在白州雙角山下昔梁氏之女有
容貌石季倫爲交趾採訪使以眞珠三斛置之梁
氏之居舊井今已塞焉 大荒山山上池中有婢

妾魚大如楯兩翼及臍下有三條似練帶長四尺
搖動有光 宴石西越王宴處

欽州

欽州

寧越郡今
理靈山縣

本合浦縣地隋寧越郡唐武德四年

平蕭銑改爲欽州總管府管一州領欽江安京南
賓遵化內亭五縣五年置如和縣其年置玉州南
亭州並隸欽府以內亭遵化二縣屬亭州貞觀元
年罷都督府二年廢玉州以安海海平二縣并廢
亭州以內亭遵化並來屬十年省海平縣天寶元
年改爲寧越郡乾元元年復爲欽州皇朝開寶六

年廢遵化欽江內亭三縣入靈山縣

元領縣七 今二

靈山 保京

三縣新廢

遵化 欽江 內亭

二縣舊廢

安海 南賓

州境

東西 缺

南北 缺

四至八到

北至東京五千四百里

北至西京五千八百二十里

北至長安取橫貴象州路六千六百六十里

東至廣州三百三十里

西至瀼州五百八十里

南至大海一百三十里

北至橫州三百一十里

東北至橫州全上

西南至陸州七百四十里

東南至廉州七百里

東北至貴州四百六十里

戶

唐開元戶二千七百

皇朝戶主客共二千八百四十二

風俗

今鄉村人皆戴白頭巾又別有夷人名高粱人不
種田入海捕魚爲業婚嫁不避同姓用臘月爲歲
俚人不解言語交肱椎髻食用手搏水從鼻飲之
也又有獠子巢居海曲每歲一移椎髻鑿齒赤禪
短褐專欲喫人得一人頭卽得多婦高粱以下送

葬皆打鼓春堂吹笙箭用藥箭

土產

有麵桂二山出餘甘子一名菴羅果貢

靈山縣

舊二鄉

漢合浦縣地舊在州北六十六里今為

州所理

保京縣

西南七十里舊二鄉

漢合浦縣地隋置安京縣唐至德

二年改為保京縣 羅浮山在縣北十里俗云形

勢如循州博羅浮山因以為名 武郎江經邑界

廢欽江縣舊為州所理漢合浦縣地宋分置宋

壽郡及宋壽縣隋改為欽州仍改宋壽為欽江

欽江水出來田山自內亭縣東北由遵化流入

廢遵化縣隋縣屬南亭州唐貞觀元年州廢來屬

武牙山在邑界 廢內亭縣隋縣因水為名唐

武德五年于縣置南亭州貞觀元年州廢來屬

靈伏山在邑界以上三縣唐廢入靈山縣 廢安

海縣漢嵐陟縣地 廢南賓縣漢合浦縣地以上

二縣皆唐時廢

灤州 唐貞元時廢

灤州 臨潭郡今隋大將軍劉方始開此路置鎮守尋

廢不通貞觀十二年清平公李弘節遣欽州首領

甯師宗尋劉方故道行達交趾開拓夷獠置瀼州
州在鬱林之西南交趾之東北界有瀼水以爲名
天寶元年改爲臨潭郡乾元元年復爲瀼州

領縣四

臨江

波零

鶴山

弘遠

以上與
州同置

四至八到

東至欽州六百三十里

北至容州二百八十里

戶

一千六百六十六

古州唐貞元時廢

古州樂古郡今理樂古縣土地與灤州同置天寶元年改為樂

古郡乾元元年復為古州

領縣三

樂古 古書 樂興

戶

二百六十五

樂古縣本樂預縣寶應元年改為樂古縣州所治古

書樂興此二縣與州同置

以上二州元屬容州都督

校勘

容州

廢禺州領縣四

峩石

溫水

羅辯

扶萊

廢順州領縣二

龍豪

南河

又化州

元領縣四 今一

石龍

三縣廢

陵羅 龍化 羅辯

按新唐書地理志禹州領峩石羅辯扶萊
岩昌四縣國朝會要開寶五年廢禹州省
峩石扶萊羅辯三縣入容州北流詳此似
是五代以來又廢岩昌五縣國初但廢所
領三縣耳今記廢禹州下乃增溫水一縣
按新唐書國朝會典溫水並隸順州廢入
陸川今記但見禹州爲溫水郡又溫水初
隸禹州故附于此蓋誤也又按新唐志順
州領龍化溫水南河龍豪四縣國朝會要

開寶五年廢順州入容州陸川所省四縣
與新唐志同今記爲順州元領縣二遠龍
化溫水故于陸川縣下但敘廢龍豪南河
二縣而以溫水附禺州龍化附化州亦誤
也又按新唐志龍化羅辯本辯州屬縣然
乾封三年已割羅辯入禺州大厯八年又
割龍化入順州辯州後改爲化州今記旣
訛于化州存龍化羅辯二縣故龍化不復
載于廢順州之下而羅辯又重見于廢禺
州且于容州之陸川化州之石龍兩序廢

羅辯縣亦誤也又按國朝會要又羅辯廢
入容州之北流九域志同今記廢入石龍
亦誤也

化州 總序

并割到廢羅州之石城廉江幹水零綠四縣
爲吳川一縣

按新唐書地理志羅州領縣四其一爲石
城更名廉江又按國朝會要吳川縣注開
寶五年省廉江零綠幹水三縣入吳川與
唐志同今記以石城廉江爲二縣又吳川

縣下有廢石城廉江二縣恐誤

博白縣

廢周羅縣武德四年析金甯縣置

按舊唐書地理志元和郡縣志皆云武德
四年析合浦縣置今云析金甯縣當考

太平寰宇記卷之一百六十七終

太平寰宇記卷之一百六十八

嶺南道十二

柳州

宜州

柳州

柳州

龍城郡今
理馬平縣

漢爲桂林郡又爲鬱林郡之潭中縣

地隋開皇十八年改潭中爲桂林縣卽象州桂林縣是也隋末析爲始安郡之馬平縣唐武德四年平蕭銑置昆州領馬平新平文安賀水歸德五縣其年改歸德爲修德改文安爲樂沙仍加昆州爲南昆州八年以賀水屬澄州貞觀七年省樂沙入

新平縣以龍州之龍城來屬八年改南昆州爲柳州九年置崖山縣十二年省新平入馬平天寶元年改爲龍城郡乾元元年復爲柳州以州界柳嶺爲名郡國志云當柳星之下故曰柳州

領縣五

馬平 龍城 象縣 洛曹 洛容

州境

東西

缺

南北

缺

四至八到

東北至東京四千一百六十里

東北至西京五千六百里

北至長安五千四百七十里

東至桂州五百四十里

東南至象州一百六十里

南至貴州三百里

南至羈縻歸儀州二百里

西南至舊嚴州二百四十里

西至宜州二百里

北至桂州四百七十里

北至融州陸路三百三十里水路三百八十里

戶

唐開元戶二千二百二十

皇朝戶主八百四十八客二千八百六十二

風俗 缺

土產

銀 貢

馬平縣

舊二鄉今三鄉

所置州境漢潭中縣地屬鬱林郡隋

置馬平縣唐武德中于縣置昆州又改為柳州

羅池神廟在州北半里即故刺史柳宗元也韓愈

為碑文事具于碑中 仙人山在州西南山上有

石形如仙人 潯江在州南三十步亦名柳江

龍城縣 西北八十里舊四鄉今二鄉 隋縣唐武德四年置龍州領

龍城柳嶺二縣貞觀七年廢州省柳嶺縣

象縣 東北六十五里舊一鄉今二鄉 漢潭中縣地唐貞觀中置

洛曹縣 西北一百七十里元一鄉 舊洛封縣唐元和十三年觀察

使奏洛封縣元置在洛曹山側請改爲洛曹縣詔

從之

洛容縣 西北一百七十里元一鄉 皆漢潭中縣地唐貞觀中置

銅盤山 破額山 龍岡山 潭水 賀水 降

蠻水 犀角山 白露水 落艷水以上並郡界

之山水此郡多大嶙若害人不聞哭聲則不去
不死樹食之乃壽

宜州

宜州

龍水郡今
理龍水縣

按郡同環州之地招降所置按投荒

錄云宜州乃桂之屬郡州有河其水如桂之陽江

水深岸斗形勢異于泉水故老流傳舊神龍所開

其郭邑名龍水此一郡見貞元錄卽不述創置年

月通典與諸志不載按圖經云見管四縣一場又

管羈縻十六州砂銀兩監數內溫水思順等十二

州地理相近見管逐州山川四至戶口城縣河江

古跡可得而觀其文蘭等四州最居偏僻有州縣
且無廨宇所有賦租宜州差人徵催皇朝因之

元領縣四場一

龍水 崖山 東壘 天河 都感場

州境

東西二百二十八里 南北二百四十三里

四至八到

北至東京五千里

西北至西京五千四百里

西北至長安五千九百里

東至柳州二百里

南至芝忻州接澄州上林縣界一百三千里

西至富仁監接南丹州界二百一十里

北至融州羅城鎮界一百四十里

東北至桂州一千六百里

戶

舊戶圖籍不載

皇朝戶主一千七百八十六客五百九十六

風俗

江山險峻人民獷戾嘗持兵甲以事戰爭皆左衽

椎髻禮異俗殊以巖穴爲居止

土產

朱砂 元不貢物 出都落麻 狹幅布

龍水縣 州西三百步二鄉 龍江在州北一百步源從撫水等

州合流至城北東流二十三里至柳象潯潭龔梧

等州歸于南海 宜水在州北隔龍江二里 朱

砂山在州東北隔龍江三里

崖山縣 南三十里管二鄉 疊石溪在縣北六里源從蕃州界

流來 思黎山在縣東七里

東璽縣 西六十里管二鄉 都龍山在縣北三十步

天河縣二鄉元在州西八十里元和八年移于龍水縣

古波里在州北一百七十里以上四縣唐貞觀四

年置 龍德山在縣西五里

都感場北六十里無鄉
管二里出花布

管羈縻溫泉等一十二州

溫泉州理溫泉縣在宜州東六十里

領縣二

溫泉無鄉管
四里 洛富西二十二里
管二鄉

四至

東至柳州龍城縣界二十里

南至柳州馬平縣界二十里

西至宜州崖山縣界三十里

北至柳州洛曹縣界十五里

戶

今管主客戶一百七十四

思順州理安寧縣在宜州東一百四十里

領縣三

安寧

二鄉

欽化

西八里
管二鄉

巖栖

西三十五
里二鄉

四至

東至柳州馬平縣界十里

南至歸化州洛迴縣一十五里

西至歸恩州都恩縣界四十里

北至柳州馬平縣三十五里

戶

今管主客戶三百五

歸化州治歸朝縣在宜州東一百六十五里

領縣四

歸朝

東三十步三鄉

洛迴

南四十步三鄉

洛都

東三十里管一村

洛魏

西二十五里管一村

四至

東至柳州馬平縣界十五里

南至象州來賓縣界二十五里

西至思順州欽化縣界三十里

北至柳州馬平縣界一十里

戶

今管戶一百一十六

歸恩州理履博縣在宜州南一百三十里

領縣五

履博

南一百八
十步二鄉

羅遵

西十五
里二鄉

都恩

北十五
里二鄉

吉南

西二十
里二鄉

許水

南十五里無鄉村無廨署
偽漢時縣印納在宜州

四至

東至思順州欽化縣界一十五里

南至象州來賓縣界二十五里

西至紆州賓安縣界二十五里

北至思順州巖栖縣界二十五里

戶

今管主客戶二百一

紆州理東區縣在宜州南一百三十五里

領縣六

東區 西一百二十步一鄉

吉陵 東一百二十里二鄉

賓安 東三十里管二

鄉

南山

西北十里
管一鄉

都邦

南七十里
管二鄉

紆質

西北

十里管
一鄉

四至

東至象州來賓縣界三十里

西至忻州多靈縣界十五里

南至象州來賓縣界八十里

北至歸恩州吉南縣界六里

戶

今管戶二百九十一

芝忻州理忻城縣在宜州南八十五里土地與交州

太平寰宇記卷之百九十八

同

領縣五

忻城管三

平西南二十里
管二鄉

富錄北三十里
管二鄉

思龍

東二十五里
管二鄉

多靈東二十三里
管一鄉

四至

東至紆州紆質縣界二十里

南至述昆州夷水縣界二十里

西至邕州羅目鋪界十五里

北至宜州崖山縣界五十里

戶

今管戶六百五十二

述昆州領夷蒙縣在宜州西八十里

領縣五

夷蒙

管二里

夷水

南四十里一鄉

古桂

西九十里二村

臨山

西二百里二村

都隴

北一百里一村

四至

東至宜州東壘縣界三十八里

南至富安監三十里

西至智州界三百里

北至金城州界一百一十里

戶

今管戶三百七十一

蕃州理蕃水縣在宜州南四十五里

領縣三

蕃水

管一鄉

都伊

西五十步五鄉

思寮

西十里無鄉坊無廨署

四至

東至龍水縣界一十里

南至芝忻州古隴場十五里

西至龍水界二十里

北至龍水界十里

戶

今管戶三十七

琳州治多梅縣在宜州西六十里

領縣四

多梅

一鄉

古陽

西十五里二鄉

歌良

北十五里二鄉

多奉

南二鄉

十里二鄉

四至

東至龍水界三十里

南至本州武律鋪界三十里

西至本州都江鋪四十里

北至環州都亮縣界二十里

戶

今管戶二百四十

環州治思恩縣在宜州西一百里本正平郡理正平縣唐貞觀十二年太史清平公李弘節遣融州柳州首領慰安由是歸附環落洞是諸洞要衝故以環名州在遊盧水南整水西

元領縣八

今二

思恩

無鄉管二里

都亮

東二十二里管四鄉

二縣割出

福零

入鎮
盛州

歌良

入琳
州

四縣廢

正平

龍源

武石

饒勉

四至

東至琳州歌良縣界三十里

南至古陽縣界二十二里

西至金城州界一十五里

北至鎮寧州界三十里

戶

今管戶二百四十

金城州治金城縣在宜州西一百十五里

領縣二

金城

二鄉元無廨署

寶安

四至

東至琳州都江鋪界二十里

南至述昆州五十里

西至智州界五里

北至 缺

戶

管一百三十一

晉州治英羅縣在宜州西一百三十五里

領縣五

英羅

管二里無廨署

富力

西五十里三鄉

智本

東三十里二鄉

蘭

江

西三里無鄉村廨署

平林

東南十三里無鄉村廨署

四至

東至金城州界三十里

南至述昆州界三十里

西至金城州河池縣一十二里

北至金城州河池縣一十里

戶

管三十七

管文蘭鎮寧撫水等四州最僻遠者所入賦
租宜州差人去催徵

文州在宜州西山路七百二十里州縣並無解署

領縣三

思陽

州南百二十里

芝山

北一百二十里

都黎

東二里

戶

管主戶五十二

蘭州在宜州西山路六百五十里州縣並無解署不

曾供通戶口

領縣三

都夷

南一百八十里

阮平

南六十里

如江

東六十里

鎮寧州在宜州西北山路三百里

領縣二

福零

東六十里

禮丹

西三十里

戶

管五十一

撫水州在宜州西北一百八十里元無州縣解署亦

不供通戶口

領縣四場一

撫水南一百二十步 古勞南二十里 多蓬西北三十里 京水

西北七里 固屑場出硃砂

管監二

富安砂監在宜州西一百三十里並是桂州差人主

轄管人戶一百六十八丁 採朱砂一千八十斤

富仁銀監在宜州西二百一十里屬文州並是桂州

差人主轄管人戶元無定數

校勘

宜州 總序

此一郡見貞元錄卽不述創置年月通典與

諸志不載

按通典舊唐書地理志皆有粵州但皆無起置之因新唐書地理志云宜州本粵州乾封中更名今記偶未詳故耳

東璽縣

諸本皆作東陵今從通典諸書作東璽

歸恩州

按新唐書地理志歸恩州作歸思州闕所領縣而思順州領縣五曰羅遵履博都恩吉恩許水今記歸恩所領五縣乃唐志思

順州之屬邑而思順自別領安寧欽化巖
栖三縣疑新唐志爲舛闕當考

芝忻州

領五縣

按新唐志云芝州忻城縣領縣七曰忻城
曰平西曰思龍與今記同日富川今記作
富錄曰多雲今記作多靈曰樂光曰樂豔
今記所無未知孰是